

# Kinderlied

## I ghöre äs Glöggli

I ghöre äs Glöggli,  
das lüetet so nätt.  
Dr Tag isch vergange,  
itz gang i is Bett.  
Im Bett tuen i bäte  
und schlafe de i.  
Dr lieb Gott im Himmel  
wird ou bi mir sy!

Und alli, wo müed si,  
händ Friede und Rueh.  
Dr lieb Gott im Himmel  
laat Böses nid zueh.  
I gone is Bettli,  
eu allne guet Nacht.  
Dr lieb Gott im Himmel  
und s Ängeli wacht.

De Tag isch vergange,  
es tunklet ja scho,  
Du lieb Gott im Himmel,  
ich bi ja so froh.  
Ich wott nöd eläi sy,  
doch du bisch bi mir,  
und Mueter und Vater,  
die wached mit dir.

